

游藝塾續文規

和風雨減期石王老師主德  
厚者云世有大歌而習焉不察  
心主司之程士其者不操吮味減  
少年其者以成弘之文課字  
染其字雕句續劉魏辭子百

唾餘見謂弗奴至主國自為誇  
二氏無取也籍皇在少謂不

迄今太平盛理如日方中

以隆棧樸弘振典謨久道之化且

漢士甫其拔與元季最淺之時  
乃不見題於文宣王司業受其為  
之勸勉蓋太宰以進自乃乃收藉曰金  
蘇郎水之道也故今在相士神識藻  
采意以備遺簡之願采諸子三氏海

多不說于二籍惟劉勰體續無取焉  
而久不形自恥語戒以明不形夫今  
之取士者有能無忠不形如老師  
者能而風會之流於文質之中  
師古者又者能不遺諸子百家反

子六執文豪傑向庸者乎故且  
老師以之乃今日取士之指南百  
一論文之標準也困迷其多以為引  
賜進士出身前奉

勅督理薊遼保定山東等處軍務

通增朝鮮兵政加四品服兵部職方  
司主事袁英撰

游藝塾續文規目錄

第一卷

論文

陽明王先生論文

守溪王先生論文

荊川唐先生論文

昆湖瞿先生論文

第二卷

論文



鹿門茅先生論文

虹臺沈先生論文

傲弦徐先生論文

靜臺杜先生論文

青螺邵先生論文

第三卷

論文

了凡袁先生論文

第四卷

論文

了凡袁先生論文

第五卷

論文

了凡袁先生論文

第六卷

論文

涇陽顧先生論文

無障吳先生論文

思白董先生論文

維山王先生論文

第七卷

論文

洪陽張先生論文

定宇鄧先生論文

月峰孫先生論文

吳區馮先生論文

藻冲蕭先生論文

九戒李先生論文

王璠袁先生論文

石簣陶先生論文

霍林湯先生論文

鄰初顧先生論文

明龍郭先生論文

寅所周先生論文

如崗陳先生論文

象山邵先生論文

蓮崗季先生論文

宇泰王先生論文

寓庸黃先生論文

太初董先生論文

兩湖劉先生論文

第八卷

論文

武林卿論文

第九卷

論文

武叔卿論文

顧仲恭論文

陳仲發論文

第十卷

癸甲

破題

第十一卷

癸甲

承題

第十二卷

癸卯

小講

第十三卷

會試

正講一

第十四卷

兩京鄉試

正講二

第十五卷

浙江江西鄉試

正講三

第十六卷

福建鄉試

正講四

第十七卷

湖廣河南山東鄉試



正講五

第十八卷

山西廣東陝西鄉試

正講六

游藝塾續文規卷之一

趙田逸農袁黃坤儀甫輯

門人劉有執無競甫閱

男袁天啓若思甫訂

嗣男葉紹袁仲韶甫

分校

姪孫袁祚熙載之甫

舊日文規首列論文諸款皆係唐宋諸名家論古作  
之說今輯我朝前輩論舉業者彙而列之以便

王先生論文

示徐曰仁應試

君子窮達一聽於天但既業舉子便須入場亦人事  
宜爾若期在必得以自窘辱則大惑矣入場之日勿  
勿以得失橫在胸中令人氣餒志分非徒無益而又  
害之場中作文先須大開心目見得題意大概了了  
即放膽下筆縱漫出處詞氣亦條暢今人入場有志  
氣局促不舒展者是得失之念為之病也夫心無二  
用一念在得一念在失一念在文字是三用矣所事

寧有成耶只此便是執事不敬便是人事有未盡處  
雖或幸成君子有所不貴也將進場十日前便須練  
習調養蓋尋常不曾起早得慣忽然當之其日必精  
神恍惚作文豈有佳思須每日鷄初鳴即起盥櫛整  
衣端坐抖擻精神勿使昏惰日日習之臨期不自覺  
辛苦矣今之調養者多是厚食濃味劇酣謔浪或竟  
日偃臥如此是撓氣昏神長傲而召疾也豈攝養精  
神之謂哉務須絕飲食薄滋味則氣自清寧思慮屏  
精自明定心氣然眠睡則神自澄君子未有

而能致力於學問者茲特以科場一事而言  
之耳每日或倦甚思休少偃即起勿使昏睡既晚即  
睡勿使久坐進場前兩日即不得翻閱書史雜亂心  
目每日止可看文字一篇以自娛若心勞氣耗莫如  
勿看務在怡神適趣忽充然滾：若有所得勿便氣  
輕意滿益加含蓄醞釀若江河之浸泓衍泛濫驟然  
決之一瀉千里矣每日閑坐時衆方囂然我獨淵默  
中心融：自有真樂盖出乎塵垢之外而與造物者  
游非吾子概嘗聞之宜未足以與此也

書中天閣勉諸生

雖有天下易生之物一日暴之十日寒之未有能生者也承諸君之不鄙予來歸咸集于此以問學為事甚盛意也然不能旬日之留而旬日之間又不過三四會一別之後輒復離群索居不相見者動經年歲然則豈惟十日之寒而已乎若是而求萌蘖之暢茂條達不可得矣故予切望諸君勿以予之去留為聚或五六日八九日雖有俗事相妨亦須破冗一會務在誘掖獎勸砥礪切磋使道德仁義之習日

近則世利紛華之染亦日遠日疎所謂相觀而  
百工居肆以成其事者也相會之時尤須虚心遜  
志相親相敬大抵朋友之交以相下為益或議論未  
合要在從容涵育相感以誠不得動氣求勝長傲遂  
非務在默而成之不言而信其或矜已之長攻人之  
短粗心浮氣矯以沽名訐以為直挾勝心而行憤嫉  
以圯族敗群為志則雖日講時習于此亦無益矣秀  
才之不能不做時文猶農夫之不能棄耒耜也既做  
時文必須有箇真種子時時求致吾之良知使胸中

無纖毫鄙穢之氣然後執筆為文字字要發明古聖  
賢之蘊凡天地間至精至妙之理只在尋常日用中  
我方寸內無不具足不必遠去尋求但能收斂元神  
下筆定然不凡矣諸君念之念之

書正憲辟

今人病痛大段只是傲千罪百惡皆從傲上來傲則  
自高自是不肯屈下人故為子而傲必不能孝為弟  
而傲必不能悌為臣而傲必不能忠象之不仁丹朱  
宵皆只是一傲字便結果了一生做箇極惡大



人更無解救得處汝曹為學先要除此病根方纔有地步可進傲之反為謙！字便是對症之藥非但是外貌卑遜頭是中心恭敬樽節退讓常見自己不是真能虛已受人故為子而謙斯能孝為弟而謙斯能弟為臣而謙斯能忠時文要溫柔典雅汝果能謙退則心必平氣必和發之為文亦溫順妥帖而無叫號怒厲之習汝曹勉之敬之

論聖學無妨于舉業

錢德洪攜二弟德周仲寔讀書城南其父心漁翁往

視之魏良政魏良器輩與遊禹穴諸勝十日忘返問  
曰承諸君相攜日久得無妨課業乎荅曰吾舉子業  
無時不習其父曰固知心學可以觸類而通然朱說  
亦須理會否二子曰以吾良知求晦翁之說譬之打  
鈍得七寸矣又何憂不得耶其父疑未釋進問先生  
先生曰豈特無妨乃大益耳學聖賢者譬之治家其  
產業第宅服食器物皆所自置欲請客出其所有以  
享之客去其物具在還以自享終身用之無窮也今  
舉業者譬之治家不務居積專以假貸為功欲

必自廳事以至供具百物莫不遍借客幸而來則  
諸貸之物一時豐裕可觀客去則盡以還人一物非  
所有也若請客不至則時過氣衰借貸亦不備終身  
奔勞作一窶人而已是求無益于得求在外也明年  
乙酉大比稽山書院錢梗與魏良政並發解江浙其  
父聞之笑曰打蛇得七寸矣

守溪王先生論文

與顧生書

拙稿皆窓下漫筆當時雖據一時所見尚落言詮所

謂法華轉也大抵舉業雖非上乘之文然以吾真實  
之心思發聖賢真實之教誨須將種々嗜慾盡情拋  
捨種々技倆盡情抹殺而一意于文專心凝習用工  
久之自有覺悟至于有悟自我知之自我言之難以  
盡語之人即語之亦不過因言寓意若其端的非功  
與已齊亦未可以想像而言解釋而得也故鄙人前  
日之文皆夢中曉語每一檢閱即赧然汗顏輒欲棄  
去而乃以之災木過矣

荅朱陽伯書

其初承父師之命學作時執鄙性素無他好得專意  
于學初將先輩舊作及諸程墨一一講解而習之卒  
不肖次將左國老莊之屬句句而模放之亦不肖蓋  
肖與不肖其機常在倏忽微渺之間任之則成馳騫  
執之則拂生枕於此調停暖之乎若可以上進而聯  
登科第遂棄去不復習志欲達而忽止功未竟而先  
墮常以為憾而來書乃稱獎太過意者非情乎

示館中諸生

汝輩做舉業須先打掃心地潔々淨々不使纖毫掛

帶然後執筆為文不論工拙定有一段蕭洒出塵之  
趣縱不能為祥雲甘雨斷不落沴氣中去故平日覺  
胸中有鄙穢牽纏如眼中釘時刻無可留停無可替  
換自朝至暮如絲過絢斬釘截鐵不得纔是真做舉  
業者若不理會自己而專于舊時文上東塗西抹雖  
能竊取科第終非上乘舉業而况科第又未必得哉

答溫道甫書

世間衆藝如擊劒習射寫字博奕之屬不遇明師指  
點終不得其妙處况舉業文字以古昔聖賢僅存之

言論而描寫其精神所謂進乎技者也豈可自是自  
高而不就正于作者之門乎大率學業之不工由師  
友之不立師友不立由勝心未除而取善不廣也古  
人有友一國之善士者矣有友天下之善士者矣  
今同居一邑或同生一家而不能取益纔能遣詞便  
自負以為極則此人品之最陋最可鄙者也吾友不  
遠千里而求教于予此真有志之士僕所畏而敬焉  
者也

荅陳直卿書

文有源委非人所能強為也夫子不云乎辭達而已  
矣是辭其後也將以達意、寔先之故有蓄意而不  
盡形之辭者矣未有辭至而意不足者也辭不足意  
無所於至譬之于水混、有源以出之矣然後春擊  
而為濤濤涵而為淵迅駛而為湍縈迴而為瀾衍迤  
而為波光浮紋蹙滅潏潏射隨其所遇各效奇巧以  
盡變態而又晶融澄徹不入滓穢至其經流之連絡  
又且曲屈徃復自源達委靡有斷絕使人迫而觀之  
心神昭曠徘徊而不能舍夫文之不可強為也何以



異于是前輩有能之者必其中有自得寔見此理之  
流行橫斜曲直小大清濁無所不在於是觸幾發微  
或緣彼而歸此或即顯而探微細則取巨巨則取細  
常藏于變藏于常紛紜轆轤不可終窮雖欲不為  
波瀾湍瀾之類不可得也辭盡其變而意始融意融  
而後辭乃益至雖欲文之無工不可得也不見丹訣  
禪偈乎辭若鄙俚然而終必傳者其中誠有之也兄  
之文脫去往日蹊徑驟上進而造辭之上則沉滯  
穠腴句穢字刮使讀者停思而後能悟其措意以此

自娛則可以此應試則非利器矣至于孟子諸作立論正大無復可議獨欠專欠斷時復野戰雖多淵瀾却于經流不免分殺其勢此僕之所未滿也

荅張元夫書

夫文非藝也本之吾心而發之于言不可偽為也故看書明白則詞措而理顯養得深厚則興至而格立神定者其力專理精者其意徹學也而文在其中故論文即道也執事之文字々中冑縈句々發妙義然而終非本色語盖以時文為時文而不以我去為時

文終曰翻來覆去只是幾句舊時文中說話未嘗自  
關一乾坤自設一爐冶雖竭精殫力終不能出人頭  
地也

又

六經者聖人以其心之精微示人者也漢儒始為訓  
詁止釋其字而未嘗闡其義也宋儒變為傳注專主  
闡發義理而孔孟之意有十不得一二者矣王安石  
以經義取士我朝因之又變傳注為講說而相違  
轉遠今日應試之文則又變講說為詞章而於聖賢

立言之旨有茫然不測其故者矣譬如賣乳者初時  
真乳也既而和之以水然猶乳九而水一也久則乳  
少水多矣又久則純水而無乳矣蓋六經真乳也漢  
儒之訓詁則和之以水矣若講說則水多乳少至于  
時義則純水而已矣故吾輩為時文不可翻閱講章  
亦不可專主傳注須澄神定慮先將經書正文從容  
諷繹務要見古先聖人立言之意看得明白然後以  
胸中之真見發而為文則不期精而自精矣

荆川唐先生論文

荅茅鹿門

文章家繩墨布置奇正轉捩自有專門師法至于中一段精神命脉骨髓則非洗滌心源獨立物表具今古隻眼者不足以與此今有兩人其一人心地超然所謂具古今隻眼人也即使未嘗操經筆呻吟學為文章但直據胸臆信乎寓出雖或踈漏然絕無烟火酸醅習氣便是宇宙間第一樣絕好文字其一人猶然塵俗中人也雖其專心學為文章其于所謂繩墨布置則盡是矣然番來覆去不過是這幾句婆子舌

頭語索其所謂真精神與千古不可磨滅之見絕無有也則文雖工而不免為下格此文章本色也即如以詩為喻陶彭澤未嘗較聲律雕句文但信手寫出便是宇宙間第一等好詩何則其本色高也自有詩以來其較聲律雕文句用心最苦而立說最嚴者無如沈約苦却一生精力使人讀其詩祇見其細縛纏綴滿卷累牘不曾道出一兩句好話何則其本色卑也本色卑文不能工也而况非其本色者哉

荅俞教諭

夫業無定習而心有轉移苟真有萬物一体之志則雖從事于舉業以進身未嘗不為義塗也若使有獨為君子之心則使從事于飭躬勵行以退處未嘗不為利途也經義策試之陋稍有知者莫不深動之矣雖然春誦夏絃秋禮冬書固古之舉業也固未嘗去誦與書也苟無為己之心則絃誦禮書亦祇為干祿之具苟真有為己之心則經義策試亦自可正學以言昔人妨功奪志之辨此定論也至于以舉業為教則稍有志者亦知深病其陋矣呂伯恭以舉業教浙

中而米子以書規之伯恭荅書以為若不開此一路  
則法堂前草深一丈僕嘗誦而竊嘆以為此極是前  
輩苦心非特後之人未能知雖當時同志者亦未能  
盡知也僕年來則已決意絕去舉業之教矣而猶瑣  
々為執事言者蓋亦自知今之不教舉業未為脫洒  
而向之教舉業未為粘帶也今之不教舉業未必足  
以閉人之利途而向之教舉業未必不引人一二于  
義途也至于道德性命技藝之辨古人雖以六德六  
藝分言然德非虛器其切寔應用處即謂之執、非



粗迹其精義致用處即謂之德故古人終日從事于  
六藝之間非特以寔用之不可缺而姑從事云耳蓋  
時義雖卑即此而鼓舞凝聚其精神堅忍操鍊其筋  
骨沉潛鎮密其心思以類萬物而通神明故曰洒掃  
應對精義入神只是一理藝之精處即是心精藝之  
粗處即是心粗非二致仁但古人於藝以為聚精會  
神極深研幾之寔而令人于藝則以為溺心玩物爭  
能好勝之具此則古與今之不同而非所以為藝與  
德之辨也僕所願執事之於諸生即舉業之中而示

之以窮經反躬明理着已之路而默消其干名好進之心則是舉業中德行道誼也方且順而導之正不必逆而阻之也

### 荅蔡可泉

自古文人雖其立腳淺然各自有一段精光不可磨滅問口道得幾句千古說不出的說話是以可傳惟其精神亦盡于言語文字之間而不暇乎其他是以謂之文人僕不能為文而能知文每觀古人之文退而自觀鄙文未嘗不啞然笑也半生簞屨華舌只

是幾句老婆舌頭語不知前人說了幾遍有何新得  
可以聞理道而裨世教者哉

與二弟正之

行者居之形迹各別然理道無二致也日用功夫亦  
無二致也汝兄在山中若不能謝遣世緣澄徹此心  
或止游玩山水笑傲度日是以有限目力作却無益  
靡費即與在家何異汝在家若能忍節嗜慾痛割俗  
情振起十數年懶散氣習將精神歸併一路使讀書  
務為心得作文務從心中流出則與在山何異艱哉

艱哉各各努力居常只見人過不見已過此學者切  
骨病痛亦學者公共病痛此後讀書做人須苦切檢  
點自家病痛蓋所惡于人許多病痛若真知反身則  
色色有之也

荅廖東雪

文與道非二也更願兄完養神明以探其本源浸淫  
六經之言以博其旨趣而後發之則兄之文益加進  
矣

與張本靜

令兄質地近樸愧不能有以開發之且抱病亟歸又不能久相與也然家庭兄弟間有餘師矣至舉業一節似亦未嘗苦心其間今但令其讀古儒先之書反之于心稍稍窺見理路然後轉向舉業上去庶乎其不差耳

答姪孫一鑒

得來書言吾姪孫之病此心惻惻不能專精致神溺書冊羨技能以為養身養心之累此說誠是若使盡捐書冊盡棄技能兀然稿形灰心亦非大難事而精

神無疑聚處亦自不免暗路漏洩若就從讀書作文  
中將此心苦煉一番使讀書而燥火不生作文而妄  
念不起亦對病下針之法未可便廢也燥火不因讀  
書而有特因讀書而發耳妄念不因作文而有特因  
作文而發耳既不因讀書作文而有則雖不讀書不  
作文亦安得謂之無乎

與馮午山

必秀才作文不論工拙只要真精神透露如有真精  
神雖拙且滯必是英俊奇偉之士不然雖其文燁然

斷非君子公考試看文不必論奇論平論據論談但  
點々窺其真精神所向如官說理官用意必是真實  
舉子如無理無意而但掇取浮華以眩主司之目必  
是作偽小人此是閱卷大關鍵洪方洲傳示濟南李  
直文字全無一毫理意而但掇拾古人奇字俊語以  
馬莊嚴黃口學語未成固無足恠且崆峒強魂尚爾  
與草附木為崇世間而輕薄後生欣然依附之以為  
文章當如是不務自得而惟拾古人殘魂舊魄以自  
相標榜此可以欺眾人而不可以欺豪傑也

荅袁坤儀

自杭往越得吾弟相依殊不落寞所講諸題皆一時  
信口說話吾弟遂筆記而傳錄之極見好學之篤六  
經之言皆是古昔聖人以其心之精微形之副墨者  
不可全靠他人講貫亦不可依稀憶度須先心塌地  
拋棄萬緣下數月死功朝夕誣詠忽然有省便有入  
頭處既有省悟而後觀前輩講章與先儒傳注皆是  
夢中說夢故善讀書者當借傳以明經不可驅經以  
從傳當尊經而略傳不可信傳而疑經千萬記取



二

昔王蔡二子從幼同學並不相離其學識亦無上下  
偶隔旬日不相見而王之識見議論頓覺長進蔡質  
諸其師曰彼不見異人必見異書矣蓋人心中道  
理雖各具足不觸發則不能長進今世求異人固難  
得若楞嚴維摩圓覺諸經皆所謂異書也不但東坡  
蘇公之文于楞嚴得悟我於禪書不止此三經涉閱  
頗廣自知得益甚深吾弟於世情頗澹今將一切閒  
書盡從屏省只將此三經從容熟玩自要透悟本

心字、要消歸自己。倘於誦持理會忽然踏著娘生鼻孔一言會意。通身汗流耳目口鼻。雖然舊時一樣而聰明智慧。蓋天蓋地。已非舊時人物矣。此是老夫試驗良方。若能信受。決不相瞞。

三

古聖賢教人。雖一曲執未嘗不與心學相通。能以養心為主時、刻、收攝精神向裏。然後從而讀書作文。會其理于語言文字之中。而發其趣于耳目見聞之外。所謂邇流而尋源也。此間朋友頗衆。求其如老

弟之相信者甚少求其信而能行如老弟者尤少故  
日望老弟出山上以報國家下以光吾黨今歲塲中  
聞已中式而煥黜不勝快然身之顯晦命也不可  
得而強也道之得失則存乎其人不可得而諉也願  
吾弟俾心源于人所不見之時而委造化于人所共  
爭之地則心常泰然而所學日進矣

四

相馬者以為肉與骨與神三相稱也不得其肉當得  
其骨不得其骨當得其神若滅若沒言有神也吾弟

之文已得其神矣間有出入者肉與骨也人之當俱  
化矣適見王龍谿道吾弟負一方盛名浙中士子俱  
視為準的吾弟之身正則一方士子俱正否則一方  
皆頽靡矣正身之道全在收拾真種子此種子人人  
本具箇箇圓成不從聞見而入不因書史而有須要  
將一切知見一切情識通行抹殺念念晝夜不  
捨如龍之養珠如鷄之抱卵綿々密々下幾箇月無  
滲漏的工夫庶可收攝此物而頂立于宇宙之間耳  
何如何如

昆湖瞿先生論文

門人表黃平錄

余幼習舉業初時只任意胡做有時馳騁千言有濟  
寥々數語有時播弄虛頭有時窘裂邊幅搃之皆野  
狐蹊徑學既不成試輒不利一日偶讀莊子云鳳之  
積也不厚則其負大翼也無力水之積也不厚則其  
負大舟也無力恍然悟為文之法遂屏去華覲調息  
凝神一意涇養性靈以培其塞閉門靜坐三月有餘  
新正纔上虞山試筆為文便覺輕新流麗迥然出群  
矣四月赴學考衆取第一諸生闕然五月楊宗師復

取者因連捷鄉會而閱吾文者無不稱善蓋文寔不同而所遇因之也

舉業文字不患意見不高不患理路不徹只患心粗氣揚不能雍容大雅以遊于冠冕佩玉之林則亦非利器也吾自靜養後加意收斂日間雖不能不應酬而每以無事處之終日不敢疾行一步亦不敢高聲說一句話即待僮僕亦未嘗輕加怒詈執筆為文必鎮靜舒徐不動聲色不騁材氣而惟言乎其所不得不言止乎其所不得止雖不能必工而盎然雅淡

綽有廟堂風度所以試而輒利者以此耳

吾前會元辛丑則林樹聲戊戌則袁煒乙未則許穀  
壬辰則林春已丑則唐順之吾將五人七篇墨義裝  
成一帙效蔡虛齋董中峯批點程墨之式字々訓釋  
枕籍觀之寒不思衣飢不思食而行住坐臥專々翫  
此貧則讀之而若富困則讀之而若通憂愁拂鬱則  
讀之而津津以喜久之了了如見前輩為文之意乃  
知千古作家別有正法眼歲在蓋其首尾節奏天然  
之度自不可差而窺其意于華墨蹊徑之外揔之要

雍容典雅如端人正士垂紳執笏而立于廟堂之上  
又如張六代之樂于洞庭之野而一唱三嘆恍有餘  
音又須積之深養之厚得乎心應乎手若輪匾之斷  
輪不疾不徐若伯樂之相馬非牡非牝庶足以臻其  
妙乎惜乎予知之而未能臻其境也

作文之法只有小心放膽二端小心非矜持把捉之  
謂也若以為矜持把捉則便與鸞飛魚躍意思相妨  
矣放膽非任情恣肆之謂也若以為任情恣肆則踰  
閑蕩檢無所不至矣蓋人之心體愈檢束則愈脫灑



何也事々無失而後脫然無碍也愈舒展則愈精微  
何也所見廣大而後能入細也小心只從放膽處收  
指放膽只從小心掇擴充非有二事亦非有二時也  
故前輩文字縱觀之則包籠宇宙細檢之則字々對  
針統閱之則貫串古今析觀之則絲々入紉此實理  
也

今之作時義者凡少年未涉世事俗務不嬰其身家  
計不關其慮其文常輕新俊逸少長漸染世情其文  
漸俗至三十四涉歷既深心肝俱換便不能執筆

爲文矣。余性無他好，大而官府酬應，細而僮僕供役，俗而米鹽出入，清而詩畫琴碁，一不入諸其心。自謂漸染世緣，頗輕然眼前種。何事不相關涉？何處不藏欲根？固不分清與濁，小與大也。自靜養百日之後，始覺夜氣漸清，良心漸復。自己真精神，忘時有透露處。白沙公詩云：白頭不負垂髫志。記得城南赴館時，今之習舉業者，不敢望其不失赤子之心，但能不失垂髫赴館之心，亦可矣。

作文須要從心，箇中流出句字，都要作不經人

道語韓退之云憂々乎惟陳言之務去陸士衡云謝朝華于已披此皆真寔不誑語今之後生專去翻閱腐爛時文託命既專用工愈久譬之方技俱通而癢痺不恤甘心于服鴆而自以為神劑悞矣且以隨用隨足之体而取給于他人口吻之間至樂不尋至寶不惜而惟拾殘羹棄唾以為活命之資如失路人之忘歸如喪家子之乞食吾見其流離奔逐而淪胥以死也豈惟如此纔遇一題輒取舊文以為式樣初時以為省力不知耳目增垢心志轉昏自家本來靈知

反被封閉不得出頭即能成文都是奴才家數不能  
自作主張矣

文者心之聲也故閱其文可以知其人吾初未識荆  
川方山之面而但讀荆川之文根據理路正大明顯  
則想見其人必樂道坦中智在物先者也讀方山之  
文爽塏迅發沉着痛快則想見其文必高視濶步眼  
空一世者也已而得接其人各如其文焉然荆川墨卷  
和平雅澹極有廟堂風度而所刻窓下諸作則不免  
有精思苦鍊之迹方山墨卷亦佳而其餘諸作不免

有發揚蹈厲之氣今觀三公之文各當以墨卷為主  
蓋我朝自三楊當國所尚文体皆平正渾融謂之臺  
閣体凡有斧鑿痕未化與怒張之氣未除皆非入彀  
文字

吾嘗讀道家書有淨明忠孝之說事不貪着謂之  
淨念不糊塗謂之明事君而不渾不明不得謂之  
忠事親而不淨不明不得謂之孝故以淨明為首務  
只此二字乃是舉業之要領凡胸中有一毫鄙穢有  
一毫疑惑決不能作好文字切須留意

予在虞山塵務既絕諸緣盡省一意作文目不敢妄  
視耳不敢妄聽口不敢妄言念不敢妄動一題到手  
輒百慮俱空固不知我之為文文之為我也一日偶  
見山中水流風動花鼓鳥啼忽然有萬物得所之意  
是日作老者安之二句全借之以寫吾胸中物各付  
物之趨又有舊仇家當門罵詈家人來報予曰弟忍  
之勿與校頃之彼罵愈厲奔告者接踵予曰以禮謝  
之不可則閉門以待其定是日作三分天下有其二  
以服事殷予即借之以發揮吾遜順忘勢之意予三

十八歲無子思娶一妾應學師月考出有鶩在梁二  
句即借以發吾家庭處妻妾之道蓋舉身之所遇目  
之所見愉快愁思周章難處之事而一寓之于文故  
用意措詞常在語言文字之外有不知其所以然而  
然者

先生將北行黃見之於閭門舟中先生問汝看吾稿  
中文字何篇最佳予曰先生刻稿有數種惟五柳堂  
稿篇篇皆佳先生笑曰韓柳歐蘇文集每人各有數  
首到家吾文安得篇篇皆善乎亦只有數首可玩耳

予請問先生因舉君子之道費而隱一首指示予曰  
註言費用之廣也隱体之微也隱即在費中原是顯  
微無間之理豈可分體用你看下面夫婦聖人鳶魚  
等皆說費而所以然處則為隱、原非言語見聞可  
及者故此作題只宜鋪張費字而于言外見出隱來  
乃為合式我先提費隱二以次以顯微無間意作二  
以入題大講云自其散殊者言之天地之所以高深  
鬼神之所以幽顯皆於是乎統焉而特不得其故耳  
茲費也夫固隱之發乎自其流行者言之日月之所



以徃來古今之所以流衍皆于是談易而特不得其  
朕耳茲隱也夫固費之歲乎只重講費字而隱字則  
依稀于意外想像見之欲吐不吐如蜻蜓點水之狀  
又舉君子務本二句文云註謂凡事專用力于根本  
事有萬端本惟一致今日凡事豈有一事即有一本  
乎若務本果在事上着力則有事時有本無事時便  
無本可務乎予此文以培吾未溺之天葆吾未萌之  
体立意蓋既云本立而道生則就未生處着力乃真  
務本也又舉不遷怒二句云此是顏子心學功夫乃

閔子曾子所不能及者故曰今也則已若說怒于甲者不移于乙則太粗矣因指傍邊二童子曰如怒此童而移于彼童身上我平生亦未嘗如此况顏子乎吾文云大公以虛其体而不牽于易發之私隨感以安其常而不滯于難制之氣先說太公以虛其体是內不遷于心次說隨感以安其常是外不遷于境程伯子謂氣之易發而難制者莫如怒曰不牽于其私不滯于其氣都是摹寫不遷景象至下以云物之所自犯怒之焉耳矣物之既往則與化俱徂固未嘗藏

爲而有所留滯也只就孔顏心學上插寫並不爲註  
脚所困縛而讀之者亦不覺吾悖註蓋無所不通之  
謂夫爲人而有大人風味則上可以陪皇帝下可以  
陪乞丐作文而有大方家數則上不爲傳註所困下  
不爲凡俗所嫌吾稿中還有數篇可看吾不盡說破  
汝試歸而以此意求之自然玉石分明矣予呈文字三  
篇第一首是學而時習之全章先生閱過語予曰註  
言人性皆善此句最有理蓋不學而能者性也學則  
非性矣吾由學以復其不學之体故須時習者

時時涵泳此性靈也悅則性靈漸顯矣朋來而樂以  
此性靈而暢之同類也不知不愠以此性靈而試之  
逆境也到得君子則由學以造于不學完全是天性  
用事矣故曰成德汝此作亦儘通暢但未能一線到  
底只是書意未明理路未熟第二首出辭義斯遠鄙  
倍矣先生曰辭氣二字並重前輩有氣是細辭是目  
之說同是一句說話出之以和平之氣則人易從出  
之以乖戾之氣則人不服故辭之有氣猶顏之有色  
都要重看漢唐以來諸儒舊註都謂鄙凡陋也倍乖

戾也。今朱子連正文改之曰：倍與背同，謂背理也。若言背理，則於詞通於氣不通矣。汝作全非，幸速改之。第三首故君子慎其獨也，先生曰：中庸本文只曰獨，註中增獨知字，夫不與諸緣作伴，不與萬物作對，而超然特立于無聲無臭之表，故曰獨乃耳目所不到，而心思所不及，處纔知便非獨矣。汝此文亦沿嚴舊見，不能擺脫，重作三首，尋使人寄入京來，吾更當為汝華削也。哲人既萎，音響猶存，追錄遺言，亦止十中之一二耳。

方山薛先生論文

門人黃平錄

辛亥七月先生自南考功轉浙江提學甫下車即頒訓戒諄々教士子者大金謂

祖宗以朱熹一人之說不足以盡六經之旨下詔徵集群儒脩輯四書五經大全頒行學宮令士子傳習當時鄉會程墨皆博采儒先之說不拘々于朱註其摘詞用意真足以發古先聖賢之精蘊近來士風轉陋文運益卑駕言于尊朱而并朱註亦不復理會束書不覩猖狂自恣由向來柄文衡者不遵朝廷訓

與閱文惟取浮華而置理學于度外故相習成風而  
登詞壇者多由草竊良可深憾茲本道出題必本大  
金諸儒之說有足以發明孔孟之真傳而訂正朱子  
之所未盡者諸生能闡發其旨即文不甚工亟置高  
等不然弗錄也

先生初至湖州出及其至也雖聖人有所不知焉此  
題先輩諸爨有文原不依本註問禮問官之類謂道  
本出于聖人所知之外即天聰明之盡者而心思有  
所不能及意見有所不能到固不得而盡知也諸生

如臧繼芳輩凡預見此文者皆依此立說先生未加稱賞及至嘉興出居敬而行簡二節此題前輩未嘗有文也諸生皆用仲弓未喻夫子可字之意發案之日先生呼諸生至前厲聲叱之曰何爾輩之淺陋也仲弓賢者居德行之科身通六經豈有不識一箇可字之理且同一可字可使南面之可則以為優可也簡之可則以為劣一字而兩解之成何等學問夫子說雍也可使南面猶使漆雕仕只欲行其所學也南面不獨人君之位凡有司臨民者皆南向即今各衙



門皆然豈有聖人而私許其弟子可為人君之理及問子桑伯子而曰可也簡謂智周萬物不如一愚博綜群務不如一約所可者惟簡耳仲弓遂就簡字而論之謂居敬則可居簡則不可若以可字為有所未盡之意則仲弓所謂不亦可乎者豈亦有所未盡乎夫子曰雍之言然不特契其言亦契其心也仲弓不以所行論簡而以所居別簡之得失其言最為有理蓋使心而有主則所行之要約皆有精神之貫通而可以不愧于南面心一懈弛則所行之不煩適足恣

其怠荒之習而不可以臨民矣故此句全要重心上  
發揮諸生聞之皆瞿然有省而兩浙士風文運寔自  
此一振云

文字宜真不宜弄假宜寔不宜靠虛宜雅不宜帶俗  
宜清不宜混濁宜暢不宜局促宜顯不宜沉晦宜的  
確不宜影響宜警拔不宜卑汚宜作不經人道語不  
宜拾人口中唾然真不可漏洩金針寔不可拖泥帶  
水雅不可修飾邊幅清不可澹薄無味暢不可浮靡  
自恣顯不可淺近無奇的確處更當脫洒警拔處尤

和平雖作不經人道語而句法字法皆要有源流  
可一毫杜撰此文章正法眼藏也近來士子既不  
聖賢理趣又不識修詞法度惟在時文中尋幾箇  
新僻字與奇崛句裝點駕飾以塗人耳目識者視之  
如見肺肝徒增厭惡甚有不顧本題而指李呼張蒼  
黃惑衆不守繩墨而呼神罵鬼逞奇賣俏者皆文魔  
華妖也犯者定行黜退戒之

題目自有本等意思善作文者但能熟玩聖賢立言  
之意体贴明白信手揮來便是極好文字如畫者不

必和墨舐華而解衣盤薄蕭然自有真境又如美女  
入宮不必調脂弄粉而澹掃蛾眉闔宮失色惟其本  
色高也近來時文專脩詞藻全無体認工夫海內學  
者皆然而浙江為甚作文全不傍理亦不用意惟收  
拾殘言剩字裝點成章如講仁則曰惻隱之心慈愛  
之理講義則曰直方之動裁制之宜講敬則曰顯若  
之觀威如之言講德則曰躬行之着心得之微講學  
則曰遜志之為時敏之勤諸如此類不一而足揔之  
皆陳言腐語可厭可憎如貧家請客借人器皿竭力

供辦而進退粗俗醜態盡見又如倡優衍戲登場歌舞祇欲博人一笑而悲懽離合種種非真令主司觀之不待拆卷尋名而已知為浙江惡套矣今宜痛革此弊全要發揮題意玲瓏透徹如水中之月鏡中之花佳境儼然在目而無一毫色相可著昔嚴滄浪謂禪家一味妙悟詩家亦一味妙悟盛唐之詩所以為佳者以其從悟處得來如羚羊掛角無迹可尋舉業雖早亦須凝神定慮用免個月無滲漏工夫使胸中豁然有省然後從而作文信手拈來頭頭皆是矣所

謂既得本莫愁末也

癸丑春先生解任而歸予與陸與中造其廬而就業  
焉先生相見甚喜接詩甚殷與中送文五篇予送三  
篇先生各隨題批釋倘論文章之旨謂文字有正有  
偏有正中偏有偏中正皆當細辨句句自肺腑流出  
而字字著題者正也不認題目而修飾文采者偏也  
通篇摹寫題意而間有出入者此正中偏也專繪飾  
詞氣而偶有一二語直逼本真者此偏中正也大概  
只要認題為主倘認真作文而題意看不明白雖幸

而得勝亦非上乘文字如李愬夜半入蔡州城取吳元濟終是偏師非堂堂之陣正正之旗也復置酒夜坐與中起問做人之道先生曰做人作文皆以求放心為急心是一身之主百骸萬應靡不關焉此心常在腔子內則動而應事必中規矩下筆為文定然可觀時浙代巡某人與先生不甚相合先生指其人而語予曰心為形役乃默乃禽斯人官為形役吾不知其人品何若矣因大笑而罷

來斐泉汝賢鄉會皆第二而其文寔得會元正傳予

選貢後舉業頗負盛名自謂海內無與伍者因斐泉  
尹丹陽持所業見之斐泉閱畢語予曰舉業者雉羔  
之飾專欲利中耳然文有可魁可元者有不可魁元  
而但可成名者又有文不甚工而極利中者有好文  
字而必不可中者予之文乃好而不中者也予聞之  
甚駭請問其故斐泉適欲迎候上司因約再見而悉  
言之予一夜不能安寢明晨具衣冠請教斐泉曰業  
師董中峰乃舉業宗工也童年入京遍謁諸老其所  
傳授其正有批點程墨一帙開闢啟秘洞示要領凡



文字工拙之由得失之故靡不具備因取一帙授予  
曰依此必中矣予手錄而熟玩之其所取諸程墨中  
間多有予所素鄙以為不足採者從頭細閱乃知彼  
所取者在規矩之中而予所期者在意見之外乃知  
至奇至妙之理只在尋常說話中而稍涉玄遠者主  
司不錄也乃知彼為利捷之文予所作者用意雖深  
而未必利也朝而諷暮而繹出入必携之年餘始覺  
吾之文與彼之文同出一轍遂聯捷矣今以授二生  
可熟復之浙江先年前輩學術純正文章典雅雖語

之業亦從浙中得來而賤遷至于今日淳靡鄙陋  
不復可觀良可嘆也